

Adroddiad i'r	Pwyllgor Craffu Cymunedau
Dyddiad y cyfarfod	21 Hydref 2021
Aelod/Swyddog Arweiniol	Y Cyng. Brian Jones: Aelod Arweiniol Gwastraff, Cludiant a'r Amgylchedd / Tony Ward: Pennaeth Gwasanaethau Priffyrdd ac Amgylcheddol
Awdur yr adroddiad	Wayne Hope
Teitl	Cyfrifoldebau Rheoli'r Perygl o Llifogydd mewn perthynas â Ffos y Rhyl a Gwter Prestatyn

1. Am beth mae'r adroddiad yn sôn?

1.1. Mae Ffos y Rhyl a Gwter Prestatyn yn draenio rhannau mawr o'r Rhyl a Phrestatyn ac yn allweddol i ddiogelu miloedd o gartrefi a busnesau rhag llifogydd. Yn rhan o brosiect cydweithredol, mae Cyfoeth Naturiol Cymru (CNC), gyda chefnogaeth Cyngor Sir Ddinbych (CSDd) a Dŵr Cymru (DC), wedi cynnal astudiaeth modelu llifogydd, wedi creu adroddiad rheoli dalgylch ac wedi datblygu cynllun cynnal a chadw manwl ar gyfer y ddau gwrs dŵr.

2. Beth yw'r rheswm dros lunio'r adroddiad hwn?

2.1. Cyflwyno casgliadau'r astudiaeth ar y cyd, dan arweiniad CNC, i ystyried a ellid gwneud gwelliannau i'r drefn o reoli Ffos y Rhyl a Gwter Prestatyn, y draeniau a'r carthffosydd cyfagos, ac amlinellu cyfrifoldebau pob sefydliad mewn perthynas â rheoli llifogydd a lliniaru llifogydd.

3. Beth yw'r Argymhellion?

3.1. Bod aelodau'r Pwyllgor yn rhoi sylwadau ac adborth ynglŷn â chynnwys yr adroddiad hwn a'r atodiadau.

4. Manylion yr Adroddiad

- 4.1. Ar ôl y llifogydd a effeithiodd ar rannau o'r Rhyl a Phrestatyn ym mis Gorffennaf 2017, cychwynnodd CNC adolygiad ar hydroleg a threfn reoli a chynnal a chadw Ffos y Rhyl a Gwter Prestatyn, sy'n cael eu cyfrif yn gyrsiau dŵr "prif afon". Cytunodd CSDd a DC i gefnogi CNC â'r prosiect, a fydd hefyd, gobeithio, yn rhoi gwell dealltwriaeth ynglŷn â sut mae asedau pob sefydliad yn gweithio gyda'i gilydd, yn enwedig pan mae glaw trwm.
- 4.2. Cynhaliwyd y prosiect mewn tri cham.
- i. Roedd Cam 1 yn cynnwys astudiaeth i fodelu'r perygl o lifogydd, er mwyn rhoi gwell dealltwriaeth i CNC am hydroleg dalgylchoedd yr afonydd.
 - ii. Roedd Cam 2 wedi arwain at adroddiad rheoli dalgylch, a oedd yn cynnig trosolwg eang o'r drefn o reoli Ffos y Rhyl a Gwter Prestatyn a'r ardaloedd o amgylch y ddau gwrs dŵr.
 - iii. Mae Cam 3 hefyd wedi adeiladu ar yr argymhellion yn adroddiad rheoli Cam 2 ac wedi cynnwys trafodaethau â thimau cynnal a chadw gweithredol CNC i ystyried effeithiau'r gwaith cynnal a chadw mewn gwahanol is-rannau o'r cyrsiau dŵr. Fodd bynnag, mae rhywfaint o waith eto i'w wneud o ran llunio cynllun cynnal a chadw a rheoli cynhwysfawr a bydd angen ymgynghori â'r cyhoedd a budd-ddeiliaid i wneud hyn.
- 4.3 Mae CNC wedi llunio nodyn briffio ac adroddiad trosolwg ar gyfer y prosiect, fydd yn cael eu cyflwyno i'r Pwyllgor ar 21^{ain} Hydref 2021.
- 4.4 Cyflwynodd Aelod Seneddol Dyffryn Clwyd, Dr James Davies AS, ddeiseb i Senedd y DU ar 14 Gorffennaf 2021, yn galw am gyflwyno rhaglen gynnal a chadw sector cyhoeddus lawn i reoli Ffos y Rhyl a Gwter Prestatyn (<https://www.jamesdavies.org.uk/news/rhyl-cut-and-prestatyn-gutter-petition-presented-parliament>).

5. Sut mae'r penderfyniad yn cyfrannu at y Blaenoriaethau Corfforaethol?

- 5.1. Un o flaenoriaethau corfforaethol y Cyngor ar gyfer 2017-2022 yw darparu amgylchedd deniadol sydd wedi'i amddiffyn, ac sy'n cefnogi lles a ffyniant economaidd. Un o'r mesurau a nodir yn y Cynllun Corfforaethol i alluogi hyn yw

lleihau nifer y tai sydd mewn perygl o lifogydd yn Sir Ddinbych. Mae cefnogaeth y Cyngor i'r prosiect, a'r gwaith sydd wedi'i wneud ar y cyd â CNC a DC i ddatblygu gwell dealltwriaeth o waith rheoli a chynnal a chadw rhag perygl llifogydd yn Ffos y Rhyl a Gwter Prestatyn, wedi helpu i gyflawni hyn.

6. Faint fydd hyn yn ei gostio a sut y bydd yn effeithio ar wasanaethau eraill?

- 6.1. Mae'r prosiect yn annhebygol o arwain at unrhyw newidiadau sylweddol i weithgareddau presennol y Cyngor, felly mae unrhyw gostau o ganlyniad yn debygol o fod yn isel iawn. Ni fydd effaith ar wasanaethau eraill. Fodd bynnag, byddai unrhyw weithgareddau cynnal a chadw ychwanegol, fel y rhai a awgrymwyd gan y ddeiseb ddiweddar i'r Senedd (gweler adran 4.4. yn yr adroddiad hwn), wedi arwain at oblygiadau sylweddol i gyllideb y Cyngor a gallai osod cysail i gyrsiau dŵr eraill yn y sir.

7. Beth yw prif gasgliadau'r Asesiad o'r Effaith ar Les?

- 7.1. Mae'r adroddiad hwn yn cyfeirio yn bennaf at faterion sydd y tu hwnt i awdurdodaeth y Cyngor, felly ni chynhaliwyd Asesiad o'r Effaith ar Les.

8. Pa ymgynghoriadau sydd wedi'u cynnal gyda Chraffu ac eraill?

- 8.1. Yn rhan o'r prosiect, fe wnaeth CNC ymgynghori ag aelodau'r cyhoedd, cynghorwyr tref a chymuned, aelodau Lleol, ASau Lleol Senedd Cymru a Senedd y DU (presennol a blaenorol), budd-ddeiliaid perthnasol a phartneriaid proffesiynol.

9. Datganiad y Prif Swyddog Cyllid

9.1 Fel y nodwyd yn Adran 6, nid yw'r prosiect yn debygol o arwain at unrhyw newidiadau sylweddol i weithgareddau cyfredol y Cyngor, felly mae'n debygol y bydd unrhyw gostau canlyniadol yn fach iawn a dylid eu cynnal o fewn y cyllidebau refeniw presennol. Bydd unrhyw waith ychwanegol yn ddarostyngedig i weithdrefnau cymeradwyo arferol y Cyngor os bydd angen.

10. Pa risgiau sydd ac a oes unrhyw beth y gallwn ei wneud i'w lleihau?

10.1. Nid oes unrhyw risgiau sylweddol i'r Cyngor o ganlyniad i'r prosiect.

11. Pŵer i wneud y Penderfyniad

11.1. Mae gan y Cyngor bwerau mewn perthynas â pherygl llifogydd a materion sy'n ymwneud â draenio dan y Ddeddf Rheoli Llifogydd a Dŵr (2010) a'r Ddeddf Draenio Tir (1991).

11.2. Mae pwerau'r Pwyllgor o ran datblygu ac adolygu polisi a chraffu ar berfformiad y Cyngor a chyrrff cyhoeddus eraill, wedi'u hamlinellu yn Adran 21 Deddf Llywodraeth Leol 2000 ac Adran 7.4 o Gyfansoddiad y Cyngor.